

## Es is so sche

Wann ma so beinanda sitzn, irgendwo auf da Heh<sup>1</sup>,  
Auf oana urigen Hüttn drobn, auf de Güpfin<sup>2</sup> liegt scho da Schnee;  
Die Kerzn brennan, es gibt koan Strom und vom Feuer<sup>3</sup> wird da woarm,  
Do wird oan auf oamal vü mehr kloar<sup>4</sup>, wia sche dass früha woar;

**REF:**

**Es is so sche.....**

**wannst für di a wenk Zeit host<sup>5</sup>**

Wannst aufstehst bald in da Fruah und draußt is ois sche stad,  
De Vögl singan da scho a Liad, wann da Herrgott s`Liacht aufdraht;  
Göd<sup>6</sup> und Macht is ma komplett wurscht, für des, was i grad gspia<sup>7</sup>;

Wannst nach a poar Tag hoamzua geht, siagst ois mit andere Augn,  
Es is scho a Schritt, wann ma nur versteht, wia vü dass mit wenig a geht;  
I wia lästig, grantig und a Sudara<sup>8</sup>, wann mia des z`lang abgeht;

---

<sup>1</sup> Höhe, auf dem Berg

<sup>2</sup> Berggipfel

<sup>3</sup> Feuer

<sup>4</sup> auf einmal klar werden

<sup>5</sup> für sich selbst Zeit haben

<sup>6</sup> Geld

<sup>7</sup> spüren

<sup>8</sup> Jammerer